

Biti umjeren sa ovosvjetskim preokupacijama

Muslimani moraju paziti da ne postanu zaokupljeni svakodnevnim obavezama toliko da zaborave svrhu svog života, a to je da obožavaju Allaha. To znači da će se maksimalno truditi da potpuno ispunjavaju Njegove naredbe. Ako se vjernik ne trudi da svoju vjeru održi iskrenom i da poboljša svoj odnos sa Allahom, može mu se dogoditi da izgubi sebzibilitet i mogućnost mudrog ponašanja.

Za neke je blagostanje mnogo teži test od poteškoća. U teška vremena ljudima je lakše da se sjetu Allaha, jer tada zaista u svojim srcima osjećaju potrebu za Allahom. Ali, veoma je važno održavati tu povezanost i onda kada kriza prođe.

Svako ko je prošao kroz iskušenja i poteškoće radi Allaha mora održati vezu sa Allahom i svoju revnost u vjeri, te nikada ne zaboravljati glavnu svrhu života. Kada ne uspijemo da se sjetimo Allaha naše srce postaje tvrđe, naša savjest slabi i nismo u mogućnosti izvući pouku iz životnih lekcija. Ako se ne povinuje Allahovoj volji, čovjek korača stazom bez povratka. Kada zaboravi na Ahiret, njegovo otupjelo srce se onda okreće jedino ovosvjetskom životu i smatra da je momentalni užitak bolji od truda radi Allaha. Allah od svog poslanika (savs) traži da upozorava na ovu opasnost.

„Reci: "Ako su vam očevi vaši, i sinovi vaši, i braća vaša, i žene vaše, i rod vaš, i imanja vaša koja ste stekli, i trgovačka roba za koju strahujete da prođe neće imati, i kuće vaše u kojima se prijatno osjećate – miliji od Allaha i Njegova Poslanika i od borbe na Njegovu putu, onda pričekajte dok Allah Svoju odluku ne donese. A Allah grješnicima neće ukazati na Pravi put." (Sura at-Tawba; 24)

Musliman se uvijek mora paziti vezivanja za ovaj svijet. Vjernik ponekad može pogriješiti i zanemariti djela koja su Allahu draga, može se neprikladno prepustiti svom egu i zaželjeti ovosvjetska zadovoljstva. Nastavak takvog ponašanja bi doveo do gubitka vjere i licemjerja.

Stanje onih koji izgube savjest i izaberu ovosvjetske nagrade, Allah svom poslaniku (savs) opisuje kao primjer lošeg ponašanja, na slijedeći način:

„Ali kad oni kakvu robu trgovačku ili veselje ugledaju, pohrle mu i tebe ostave sama da stojiš. Reci: "Ono što je u Allaha bolje je i od veselja i od trgovine." – A Allah najbolju opskrbu daje." (Sura al-Jumu`a; 11)

Iskreni vjernici koji se boje Allaha, Sudnjeg dana i Džehennema nisu očarani ovim svijetom.

„Ljudi koje kupovina i prodaja ne ometaju da Allaha spominju i koji molitvu obavljaju i milostinju udjeljuju, i koji strepe od Dana u kom će srca i pogledi biti uznemireni." (Sura al-Nur; 37)

<https://www.harunyahya.info/bs/clanci/bitumjeren-sa-ovosvjetskim-preokupacijama>